

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
Služba za upravu poljoprivrede,
vodoprivrede i komunalnih poslova



Broj: 08-45-19/24-AP-23

Datum: 9.2.2024.. godine

Stručna služba gradonačelnika
-ovdje-

PREDMET: Dostava Nacrta Odluke o mezarjima-grobljima i pogrebnoj djelatnosti na području grada Zavidovići

U prilogu Vam Nacrt Odluke o mezarjima-grobljima i pogrebnoj djelatnosti na području grada Zavidovići na razmatranje i dalji postupak.

S poštovanjem,

Dostavljeno:

1. Naslovu,
2. U spis.



POMOĆNIK GRADONAČELNIKA

Izet Bašić, dipl.ing.agr.

Obradio:

(Amir Mahmutović, dipl.ecc)

Na osnovu člana 3. i 4. Zakona o komunalnim djelatnostima Zeničko-dobojskog kantona (Službene novine ZDK, broj: 17/08 i 09/11), člana 3., 102., 103., 104., 105., 106., 107., 108. i 109. Odluke o komunalnom redu (Službeni glasnik Općine Zavidovići, broj: 03/15), člana 25. stav 1. tačka 10. Statuta općine Zavidovići (Službeni glasnik Općine Zavidovići, broj: 5/2008 i 5a/2008) i člana 10. Privremene statutarne odluke Grada Zavidovići (Službeni glasnik Općine Zavidovići, broj: 4/22), Gradsko vijeće Zavidovići na . sjednici održanoj dana . godine, donijelo je

O D L U K U o mezarjima-grobljima i pogrebnoj djelatnosti na području grada Zavidovići

I OSNOVNE ODREDBE

Član 1.

Ovom Odlukom se uređuje način upravljanja mezarjima-grobljima u upotrebi, izgradnja novih, uslovi uređivanja i održavanja mezarja-groblja, uslovi za ustupanje i način utvrđivanja naknade za korištenje mezarskih-grobnih mjesta, uslovi za izgradnju grobniča, nadgrobnih spomenika, prijenos posmrtnih ostataka do mezarja-groblja i obavljanje pogrebne djelatnosti.

Član 2.

Mezarje-groblje je dobro od općeg interesa i u smislu ove Odluke smatra se zemljištem koje Grad Zavidovići putem nadležne službe odredi za sahranu umrlih, kao i objekti i uređaji koji su izgrađeni na mezarju-groblju i služe za sahranu umrlih i korištenje mezarja-groblja.

Mezarje-groblje u upotrebi smatra se zemljištem iz prethodnog stava koje se već koristi za sahranjivanje umrlih.

Član 3.

Grad Zavidovići posebnom odlukom utvrđuje lokaciju novih mezarja-groblja na području grada.

II UPRAVLJANJE MEZARJIMA-GROBLJIMA U UPOTREBI

Član 4.

Mezarjima-grobljima u upotrebi kao i novoizgrađenim mezarjima-grobljima na području grada Zavidovići upravlja pravno lice kome Grad Zavidovići povjeri upravljanje mezarjima-grobljima u skladu sa Zakonom i Odlukom o komunalnom redu.

Na osnovu ove Odluke pravna lica čiji su osnivači vjerske zajednice i crkve, mjesne zajednice ili grupa građana nastavljaju upravljati mezarjima-grobljima u upotrebi.

Grad Zavidovići dužan je u roku od 12 mjeseci od dana donošenja ove Odluke putem mjesnih zajednica i vjerskih zajednica Grada Zavidovići uraditi katastar svih mezarja-groblja, utvrditi vlasnički status svakog mezarja-groblja i u saradnji sa nadležnim gradskim službama predložiti lokaciju za izgradnju novog gradskog mezarja-groblja.

III IZGRADNJA, UREĐIVANJE I ODRŽAVANJE MEZARJA-GROBLJA

Član 5.

Izgradnja i uređivanje mezarja-groblja se vrši na način i pod uslovima utvrđenim Zakonom o prostornom uređenju i građenju ZDK (Službene novine ZDK, broj: 17/23) i drugim važećim zakonskim propisima.

U skladu sa prethodnim stavom, izgradnja mezarja-groblja se vrši na prostoru koji je kao tako namijenjena površina određen planskim dokumentima Grada Zavidovići.

Uređivanje, održavanje i upravljanje mezarjima-grobljima tipa gradsko mezarje-groblje, povjerava se JKP „Radnik“ d.o.o. Zavidovići, koje je obavezno ispuniti uslove minimalne tehničke i stručne sposobljenosti za obavljanje komunalnih djelatnosti pogrebnih poslova i održavanja mezarja-groblja i pogrebne djelatnosti, u skladu s posebnim propisima.

Član 6.

Da bi se pristupilo izgradnji mezarja-groblja moraju biti ispunjeni sljedići uslovi:

- da je lokacija mezarja-groblja udaljena najmanje 50 m od najbližih stambenih kuća i drugih objekata u naselju, izuzev sakralnih objekata.

- da je odabрано zemljište ocjedito, tako da nivo podzemnih voda ne dospijeva do najnižeg dijela mezarog-grobnog mjesta,
- da mezarje-groblje posredstvom podzemnih voda ne ugrožava postojeće objekte za snabdijevanje vodom za piće i druge potrebe stanovništva koje koristi podzemnu vodu,
- da je zemljište dokazano stabilnog karaktera.

Član 7.

Odobrenje za izgradnju, uređenje i priširenje mezarja-groblja izdaje nadležna gradska služba za poslove prostornog uređenja i građenja.

U mezarju-groblju mogu se graditi objekti (mrtvačnice, kapele i sl.) za obavljanje ispraćaja i sahrane umrlih lica.

Član 8.

Novoizgrađeno mezarje-groblje može imati zajedničke kosturnice.

Član 9.

Uređivanje i održavanje mezarja-groblja koja se nalaze pod posebnom zaštitom (mezarja-groblja boraca i spomen obilježja) vrši se u skladu s posebnim propisima.

Član 10.

Uređivanje i održavanje mezarja-groblja vrši JKP „Radnik“ d.o.o. Zavidovići za gradska mezarja-groblja koja su u vlasništvu Grada Zavidovići (mezarje Flos i Žigica mezarje), a ostala mezarja-groblja pravna lica čiji su osnivači vjerske zajednice i crkve, mjesne zajednice ili grupa građana, na osnovu Programa uređenja i održavanja mezarja-groblja na koje prethodnu saglasnost daje nadležna gradska služba za komunalne poslove.

Član 11.

Pravno lice kojem je povjereno održavanje mezarja-groblja dužno je izvršiti:

- čišćenje mezarja-groblja i odvoženje otpadaka, starih vijenaca, pokošene trave i suvišne zemlje,
- redovno košenje trave koja na slobodnim površinama i prilaznim stazama može biti visoka najviše 10 cm,
- redovno okopavanje i obrezivanje drveća kao i održavanje cvijetnih gredica izvan meزارskih-grobnih mjesta,
- čišćenje i održavanje objekta na mezarju-groblju (mrtvačnice, sanitarni prostorije, ograde, putevi, rasvjeta na otvorenom prostoru kao i druge instalacije),
- uklanjanje vijenaca, ikebana, buketa cvijeća, i sl. po isteku roka od 40 dana nakon sahrane,
- održavanje i uređivanje mebara-grobova na zahtjev porodice umrlog ili drugih lica uz naknadu,
- uklanjanje posuda sa cvijećem,
- druge poslove u skladu sa ovom Odlukom.

Član 12.

Na mezarjima-grobljima nije dozvoljeno:

- prljati mezare-grobove, puteve, staze, uređaje i instalacije,
- obavljati bilo kakvu trgovinu,
- vršiti prosjačenje,
- vršiti narušavanje reda i mira,
- dovoditi pse i druge životinje,
- napasati stoku,
- oštećivati mezare-grobove, spomenike, nadgrobne oznake i ostale objekte i instalacije,
- trgati i odnositi cvijeće,
- postavljati natpise, slike i reklame protivne moralnim normama,
- saditi voće,
- ulaziti vozilom u mezarje-groblje, izuzev specijalnih vozila namijenjenih za prevoz umrlih i specijalnih građevinskih vozila koja služe za izvođenje planirnih zahvata na zemljištu,
- vršiti druge radnje i poslove koji su suprotni postojećim propisima i ovoj Odluci.

Član 13.

Mezarje-groblje mora biti ogradieno i održavano u urednom stanju.

Mezari-grobovi se planiraju i postavljaju u skladu sa uslovima određenim u članu 6. Odluke.

Sahrnjivanje-ukop umrlih po pravilu se vrši u redove.

Dužina mezara-groba može biti do 2,30 m, a širina do 1,0 m.

Dubina mezara-groba od površine zemlje iznosi najmanje 1,80 m.

Širina staza između redova mora biti 1,0 m.

Razmak između mezarnih-grobnih mjesta ne smije biti manji od 0,5 metara.

Član 14.

Mezari-grobovi se mogu spajati radi postavljanja nadgrobog spomenika, odnosno izgradnje grobnice.

Odobrenje iz prethodnog stava daje pravno lice kojem je povjereno održavanje mezarja-groblja.

Član 15.

Svaki mezar-grob može se obilježiti prikladnim mezarnim-nadgrobnim znakom ili nišanima-nadgrobnim spomenikom.

Visina nišana-nadgrobog spomenika može iznositi do 1,50 m, a širina najviše do širine mezara-groba, ili širine spojenih mezara-grobova, odnosno širine izgrađene i uređene grobnice.

Odobrenje za postavljanje ili uklanjanje nišana-nadgrobog spomenika, odnosno zamjenu nišana-nadgrobog spomenika ili nadgrobog znaka, daje pravno lice kojem je povjereno održavanje mezarja-groblja, mjesna zajednica ili predstavnik grupe građana.

Član 16.

Na mezarju-groblju mogu se graditi grobnice.

Širina grobnice može iznositi maksimalno 1,10 m, a visina s nadgrobni spomenikom do visine određene u članu 15. ove Odluke.

Odobrenje za izgradnju grobnice daje pravno lice kojem je povjereno održavanje mezarja-groblja.

Član 17.

Tekst natpisa na nadgrobnom spomeniku mora biti napisan s pijetetom prema umrlom.

Tekst natpisa iz prethodnog stava ne smije izazivati osjećanja koja mogu uznemiriti građane.

Ukoliko tekst natpisa ne ispunjava uslove iz stava 1. i stava 2. ovog člana pravno lice kojem je povjereno održavanje mezarja-groblja dužno je da odmah ukloni određeni nadgrobni znak ili nadgrobni spomenik.

Član 18.

Mezari-grobovi, mezarne-nadgrobne oznake, nišani-nadgrobni spomenici i grobnice moraju se održavati uredno.

O izgledu mezara-groba staraju se srodnici umrlih i druga zainteresovana lica, prema mjesnim običajima.

Na mezarima-grobovima se može njegoviti cvijeće ili ukrasno šiblje, odnosno mogu se postavljati posude s cvijećem u skladu s Programom iz člana 10. ove Odluke.

Pravna lica kojima je povjereno održavanje mezarja-groblja na zahtjev srodnika umrlog ili drugih zainteresiranih lica mogu uređivati i održavati mezar-grob uz odgovarajuću naknadu.

Član 19.

Ako prilikom ukopa, postavljanja nišana-nadgrobog spomenika, uređivanja mezara-groba ili grobnice dođe do oštećenja drugih mezara-grobova ili grobničkih spomenika, lice na čiji se zahtjev vrše radovi dužno je najkasnije u roku od 15 dana otkloniti štetu i oštećene mezare-grobove, odnosno grobnučice, dovesti u prvobitno stanje.

Ako lice iz prethodnog stava obavezu ne izvrši u određenom roku, obavezu će izvršiti pravno lice kojem je povjereno održavanje mezarja-groblja, na njegov trošak.

Član 20.

Za vršenje zanatskih radova i usluga na grobljima-mezarjima važe pored ostalih propisa još i slijedeće odredbe:

1. Pravno lice kojem je povjereno održavanje mezarja-groblja može u određene dane i u određeno doba da zabrani izvođenje zanatskih radova na grobljima-mezarjima ili na njihovim pojedinim dijelovima,
2. Radovi na mezarju-groblju treba da se izvode tako da se do najveće mjere očuva mir i dostojanstvo mezarja-groblja. Radovi se u radne dane mogu vršiti do 18 sati.
3. Građevinski materijal (kamen, građa, pjesak i drugo) može se držati na mezarju-groblju samo u potrebnoj količini i za vrijeme vršenja radova, tako da se time ne ometa saobraćaj na mezarju-

groblju. U slučaju prekida radova izvođač je dužan da radilište bez odlaganja dovede u prvobitno stanje o svom trošku.

Izvođaču radova koji se ne pridržava odredaba ove Odluke kod izvođenja radova, zabraniti će se rad na groblju-mezarju.

IV SAHRANJIVANJE-UKOP

Član 21.

Sahranjivanje-ukop umrlih vrši se u mezarjima-grobljima u upotrebi u skladu sa odredbama ove Odluke, na osnovu dozvole za sahranu izdate od mrtvovozorske službe.

Član 22.

Pravno lice kojem je povjereno održavanje mezarja-groblja u sporazumu sa porodicom umrlog ili drugim licem koje se stara o ukopu-sahrani određuje vrijeme i način sahranjivanja-ukopa.

Umrli se po pravilu sahranjuje na groblju – mezarju koje se nalazi na području jedinice lokalne samouprave gdje je imao prebivalište.

Umrli se može sahraniti i na groblju – mezarju koje je on odredio za života ili koje odredi njegova porodica, odnosno lica koja su dužna da se brinu o njegovoj sahrani.

Član 23.

Sahranjivanje-ukop umrlog vrši se u vremenu od 24 do 48 časova od nastupanja smrti.

Izuzetno u slučaju smrti od zarazne bolesti ili ako je izvršena obdukcija umrlog, sahranjivanje-ukop se može izvršiti i prije isteka roka iz prethodnog stava uz odobrenje gradske službe nadležne za poslove sanitарне inspekcije.

U slučaju nastupanja smrti u inostranstvu, i na zahtjev porodice, sahranjivanje-ukop se može izvršiti poslije roka iz stav 1. ovog člana.

Član 24.

Troškove sahrane-ukupa umrlog snosi porodica, odnosno nasljednici umrlog.

Ako umrli nema nasljednika ukop će izvršiti JKP „Radnik“ d.o.o. Zavidovići ili pravna lica čiji su osnivači vjerske zajednice i crkve, a troškove ukopa– sahrane snosi Grad Zavidovići, za što se obezbeđuju sredstva u budžetu Grada, Udruženje penzionera (za penzionere) ili preduzeću u kojem je radio umrli.

Član 25.

Opremanje umrlog se vrši prema vjerskim i mjesnim običajima.

Sahranjivanje-ukop i opremanje lica umrlih od zaraznih bolesti se vrši u skladu sa posebnim propisima.

Član 26.

Prevoz i prenos umrlog u mrtvačnicu vrši se u mrtvačkom sanduku, odnosno na nosilama koja su za to posebno pravljena i koja se samo u tu svrhu koriste.

Prevoz i prenos iz mrtvačnice na mjesto ukopa može se izvršiti i bez nosila tako da rodbina i prijatelji nose umrlog, u skladu sa običajima.

Član 27.

Na dan ukopa-sahrane rodbina umrlog može specijalnim vozilom ovlaštenog preduzeća registriranog za bavljenje pogrebnom djelatnošću, izvršiti prevoz posmrtnih ostataka umrlog iz mrtvačnice direktno u vjerski objekat (džamiju ili crkvu) bez formiranja povorke radi obavljanja vjerskog obreda.

Član 28.

Na groblju-mezarju se mogu vršiti vjerski obredi koji važe i koji se primjenjuju uz nacionalnu i vjersku pripadnost umrlog u skladu sa Zakonom o slobodi vjere, pravnom položaju crkava i vjerskih zajednica u Bosni i Hercegovini (Službeni glasnik BiH, broj 5/04).

Član 29.

Nakon završetka pogrebnog obreda pred mrtvačnicom, odnosno vjerskog obreda pred vjerskim objektom (džamijom ili crkvom), formira se pogrebna povorka i posmrtni ostaci se prenose do mezarja-groblja.

Član 30.

Čim se posmrtni ostaci spuste u mezar-grob, on se mora zasuti zemljom, odnosno grobnica zatvoriti.

Pokopavanje i zatvaranje mezara-grobova vrše zaposlenici pravnog lica kojem je povjeren održavanje mezara-groblja u skladu sa zakonskim propisima i vjerskim običajima. Ova lica vrše i prenos umrlog do mezara-groba, ukoliko to ne vrše srodnici ili drugi građani.

Član 31.

Određivanje mezarnog-grobnog mjesta vrši upravitelj mezara-groblja.

Mezar-grobno mjesto koje je dato na korištenje upravitelj mezara-groblja može ustupiti drugom licu samo uz saglasnost porodice kojoj je odobren mezar-grobno mjesto.

Član 32.

Visina maksimalne naknade za ustupanje na korištenje mezara-grobnog mjesta iz člana 10. ove Odluke kojima upravlja JKP „Radnik“ d.o.o. Zavidovići, propisuje se posebnim Pravilnikom o uslugama pogrebnog preduzeća ili JKP 2Radnik“ d.o.o. Zavidovići.

Član 33.

Naknada za vršenje pogrebnih usluga se utvrđuje posebnom odlukom, odnosno cjenovnikom uz prethodnu saglasnost Gradskog vijeća Grada Zavidovići.

V ZATVARANJE MEZARJA-GROBLJA I EKSHUMACIJA**Član 34.**

Iskopavanje i prenos posmrtnih ostataka (ekshumacija) iz mezara-groblja na području Grada Zavidovići iz jednog u drugo mjesto na području grada, odnosno van grada Zavidovići, vrši se na zahtjev srodnika umrlog ili po naredbi sudskih organa.

Troškove iskopavanja i prenosa posmrtnih ostatka iz prethodnog stava snosi lice koje traži iskopavanje i prenos posmrtnih ostatka.

Član 35.

Odobrenje za iskopavanje i prenos posmrtnih ostatka u drugo mezarje-groblje daje pravno lice koje upravlja mezarjem-grobljem uz obavezan nadzor sanitarnog inspektora.

Član 36.

Prostor groblja-mezarja stavljenog van upotrebe, ili njegov dio, može se koristiti za druge namjene određene odgovarajućim dokumentom prostornog uređenja poslije isteka roka obaveznog počivanja.

Rok obaveznog počivanja iz stava 1. ovog člana iznosi najmanje 40 godina, računajući od dana obavljene posljednje sahrane.

VI NADZOR**Član 37.**

Nadzor nad provođenjem ove Odluke vrši nadležna gradska služba za komunalne poslove.

Član 38.

Inspeksijski nadzor nad provođenjem ove Odluke vrše gradski komunalni inspektor, urbanističko-građevinski inspektor i sanitarni inspektor svaki iz svoje nadležnosti.

VII KAZNENE ODREDBE**Član 39.**

Novčanom kaznom u iznosu od 5.000 do 15.000 KM kazniće se će se za prekršaj investitor pravno lice ako:

- Izvrši izgradnju mezara-groblja bez odobrenja gradske službe nadležne za prostorno uređenje (član 7.).

Za prekršaj iz stava (1) ovog člana kaznit će se i investitor-fizička osoba novčanom kaznom u iznosu od 500 do 1.500 KM.

Za prekršaj iz stava (1) ovog člana kaznit će se i odgovorna osoba investitora kao pravne osobe novčanom kaznom u iznosu od 1.000 do 3.000 KM.

Član 40.

Novčanom kaznom u iznosu od 300,00 KM do 1.500,00 KM kaznit će se pravno lice, a u iznosu 100,00 KM do 500,00 KM odgovorno lice u pravnom licu za radnje koje imaju obilježja prekršaja kako slijedi:

1. Ne vrši uređivanje i održavanje mezarja-groblja na način određen u članu 10. Odluke.
2. Ne vrši poslove iz člana 11. Odluke.
3. Izda odobrenje za izgradnju nadgrobнog znaka ili spomenika suprotno uslovima propisanim članom 15. Odluke.
4. Izda odobrenje za izgradnju grobnice suprotno uslovima propisanim članom 16. Odluke.
5. Ne ukloni nadgrobni znak ili nadgrobni spomenik čiji sadržaj natpisa ne ispunjava uslove određene u članu 17., stav 1.i 2. Odluke.
6. Ne postupi prema odredbama člana 19. Odluke.
7. Izvrši sahranjivanje prije isteka vremena određenog u članu 23. Odluke, osim u slučajevima određenim posebnim propisima.
8. Izvrši opremanje umrlog lica suprotno uslovima iz člana 25. Odluke.
9. Drugom korisniku ustupi grobno mjesto koje se koristi bez sporazuma sa korisnikom ili grobno mjesto ustupi suprotno odredbama člana 31. Odluke.
10. Naplati veću naknadu od one koja je propisana cjenovnikom iz člana 33. Odluke.

Član 41.

Novčanom kaznom u iznosu od 100,00 do 1.000,00 KM kazniće se i pojedinac ako:

1. Izvrši postavljanje, uklanjanje, odnosno zamjenu nišana-nadgrobnih spomenika i nadgrobnih znakova bez odobrenja pravnog lica koje upravlja mezarjem-grobljem iz člana 15. Odluke.
2. Gradi grobnicu bez odobrenja ili suprotno odobrenju pravnog lica koje upravlja mezarjem-grobljem iz člana 16. Odluke.
3. Postavi nadgrobni znak ili nadgrobni spomenik čiji je sadržaj natpisa suprotan članu 17. Odluke.

Član 42.

Ova Odluka stupa na snagu danom objavljivanja u „Službenom glasniku Grada Zavidovići“.

**PREDSJEDAVAJUĆI
GRADSKOG VIJEĆA**

Admir Fojnica, prof

O B R A Z L O Ž E N J E

PRAVNI OSNOV

Pravni osnov za donošenje Odluke o mezarjima-grobljima i pogrebnoj djelatnosti na području grada Zavidovići nalazi se u članovima 3. i 4. Zakona o komunalnim djelatnostima Zeničko-dobojskog kantona (Službene novine ZDK, broj: 17/08 i 09/11) i Odluka o komunalnom redu (Službeni glasnik Općine Zavidovići, broj: 03/15), kojim je određeno kome Grad Zavidovići povjerava obavljanje komunalnih djelatnosti pogrebnih poslova i održavanja mezarja-groblja.

RAZLOZI DONOŠENJA

S obzirom na to da Zakon o grobljima i pogrebnoj djelatnosti nije donesen na federalnom, a ni kantonalm nivou, da bi se pristupilo proceduri određivanja lokacije i izgradnji gradskog groblja potrebno je donijeti Odluku o mezarjima-grobljima i pogrebnoj djelatnosti na području Grada Gračanica.

Ovom Odlukom se uređuje način upravljanja mezarjima-grobljima u upotrebi, izgradnja novih, uslovi uredivanja i održavanja mezarja-groblja, uslovi za ustupanje i način utvrđivanja naknade za korištenje mezarskih-grobnih mjesta i drugo.

FINANSIJSKA SREDSTVA ZA DONOŠENJE ODLUKE

Za donošenje i sprovođenje ove Odluke nije potrebno planirati sredstva u Budžetu Grada Zavidovići.

GRADONAČELNIK

dr.sci. Hašim Mujanović